



15. januaari 2017

Tusagassiuutinut Nalunaarut / Pressemeddelelse

Naalackersuisunut allakkat ammasut

Tasiilaq aanaarpoq – immikkut annertusisamik iliuuseqartoqarli!

Januar 2017 maanna qiteqquppoq, ukioq nutaaq aallartimalli imminut toqunnerit marluk toqutsinerlu ataaseq maanna nalaanneqarsimalereerput, aarleqqutigaa aralu annertusisamik iliuuseqartoqanngippat kisitsisit alianartut tamatsinnullu eqqugaaffiusut sulii amerlialuttuinnassasut.

Taamaammat matumuuna Naalackersuisunut ammasumik allagaqarlunga noqqaassuteqarpunga piaarnerpaamik Tasiilami immikkut annertusisamik iliuuseqartoqassasoq, taamaaliornikkut imminut toqunnerit, imminut toqoriarnerit, toqutsinerit, toqutseriarnerit, persuttaanerit, meeqqanik inuusuttunillu naalliutsinerit sumiginnaanerillu annertuumik ataqaqtiittumillu pinaveersaartinneqarniassammata.

Qujanaraluaqaaq Tasiilami tarnip pissusaanik ilinniarsimasumik peqalernikuugatta, aarleqqutigaa arali tamanna naammanngitsoq, ikit ammartiterneqartut eqqortumik katsorsarneqanngikkunik innuttaaqativut qaamanermik takunnissinnaajunnaarlutik sakkortuumik ulorianartumillu inuuneqalertut ajoraluartumik amerlialuttuinnarnissaat pissutissalimmik aarleqqutigaa.

Ajornartorsiutit assigiinngisitaartut pissutaasutut eqqumaffigineqartariaqartutullu tikkuarumasakka ilaatigut makkuupput:

- Meeraanermi misigisarlussimasut sakkortuumillu sumiginnagaasimasut ikiorserneqarsimanngitsullu amerlalluinnarput.
- Nunaqarfinniit illoqarfinnut nuussimasut inuuniarnermikkullu sakkortuumik ajornartorsiuteqartut, pisortanit arajutsisimaneqartutut inissisimasut amerlalluinnarput.
- Akissaqannginneq pissutigalugu inigisaminnit anisitaasartut, ilaqtariittut peqqinnartumik inuuneqaleqqinnissaminnut ikiorserneqaratik sumiiffissaarullutik ilaqtaminni nalunngisaminnilu inisimasunngortartut amerlalluinnarput.
- Suliffissaqaratik imminut pilersorsinnaanngitsut, pisortanillu ikiorserneqarlutik inuusariaqartut amerlalluinnarput.
- Inuttut naleqassutsimik misigisimajunnaarsimasut imigassamullu aalakoornartumut qimaasimasut amerlalluinnarput.



Isumaqarpunga piffissanngortoq Naalakkersuisut Kommuneqarfik Sermersuumik qanimut suleqateqarlutik qulaajaaqqissaartariaqartut paasiniaarlugu qulaani taasakka qanoq amerlatiginersut iliuutsillu sorsipaanersut.

Taamatuttaaq isumaqarpunga Naalakkersuisut isumaliutigisariaqaraat minnerpaamik imigassat tuniniarneqartut piffimmik aalajangersimasumik Tasiilaq-mi nunaqarfittaani matoqqatinneqarnissaat iluaqutaasinnaanersoq, inuttaasunullu oqallinnissamik periarfissinneqarnissaannik pilersaarusiortuakkamik sanasoqarsinnaaneranik, aammalu minnerunngitsumik angerlarsimaffimmi imminortarnerit, imminorniartarnerillu atugaaqisut qanoq unitsinniarneqarsinnaanersut.

Killiffippit ilungersunarpoq, Tasiilaq aanaarpoq, meerannguit inuusuttunnguillu siunissaat nalunaaquttap akunneri tamaasa mangiarneqarpoq, taamaammat iluunngarlunga Naalakkersuisunut kaammattuutigivara piaarnerpaamik immikkut annertusisamik iliuuseqartoqassasoq.

Ikinngutinnersumik inuulluaqqusillunga,

Mala Høy Kuko Atassut sinnerlugu Inatsisartuni ilaasortaq